



# COMUNU DE CABUDERRA

Tzitadi Metropolitana de Casteddu

---

## DELIBERATZIONI DE SA GIUNTA COMUNALI N. 46 DE SU 15/03/2023

OGETU: PIGADA DE ATU INCUADRAMENTU NOU E REVISIONI DE IS PERFILUS PROFESSIONALIS - CCNL 16/11/2022 .

S' annu 2023, su 08 de su mesi de Martzu a ora de is 12.30, in sa residèntzia comunali, cunvocada a manera amesturada presèntzia/videocunferèntzia cunforma a su Regulamentu Comunali po sa modalidadi telemàtica, s' est atobiada sa Giunta Comunali cun is personis chi s'ghint:

<i>Nòmmini e Sangunau</i>	<i>Càrriga</i>	<i>Presenti</i>
Beniamino Garau	Sìndigu	Eja
Dessì Donatella	Assessori	Eja
Frongia Pietro	Assessori	Eja
Montis Giovanni	Assessori	No
Sorgia Silvia	Assessori	Eja
Solinas Marco	Assessori	Eja
Garone Katuscia	Assessori	Eja

**Presentis: 6**

**Ausentis: 1**

Pigat parti a sa setziada su Segretàriu Generali Sa Dotora Felicina Deplano.

Su Sìndigu, Beniamino Garau, ndi liat sa presidèntzia e de chi at averiguau su nùmeru de is presentis, decrarat aberta s' adunàntzia.

---

## SA GIUNTA COMUNALI

### **Cunsideraus:**

- is printzìpius de economitzidadi, atzivesa, publitzidadi, trasparèntzia de s'atzioni amministrativa cunforma a s'artìculu 1, c. 1, de sa Lei 7 de austu 1990 nùmeru 241;
- s'artìculu 48 c. 3 de su decretu legislativu 18 de austu 2000 nùmeru 267 (TUEL) chi donat a sa giunta comunali sa cumpetèntzia a s'aprovatzioni de is regulamentus asuba de s'ordinamentu de is ufitzius e de is servìtzus;

**Biu** su CCNL de su 16/11/2022;

### **Cunsideraus finsas:**

- s'artìculu 7 de su TUEL;
- s'artìculu 4, c. 5, de sa lei 5 de làmpadas 2003 nùmeru 131, innui si narat ca is comunus ponint in aplicu sa podestadi normativa, considerada che a podestadi statutària e regulamentari;

**Biu** su verbali de delegatzioni po su chi pertocat s'atòbiu de su 15/03/2023 chi teniat comentu ogetu sa definitzioni de is perfilus professionalis nous cunforma a su CCNL de su 16/11/2022;

### **Postu chi:**

- s'art. 12, c. 1, CCNL 16 de onniasantu de su 2022 narat: "1. Su sistema de classificatzioni est partziu in cuàturu àreas chi currispundint a cuàturu livellus diferentis de connoscèntzia, abilesa e cumpetèntzias professionalis, est a nai: • Àrea de is Operadoris; • Àrea de is Operadoris espertus; • Àrea de is Istrutoris; • Àrea de is Funtzionàrius e de sa Cualificatzioni arta."

**Postu chi** s' art. 13, cc. 1-2, CCNL 16 de onniasantu 2022 narat finsas ca: "1. Po permiti a is entis de sighiri is cumprimentus chi serbint a ponni in aplicu is normas cunforma a su Tìtulu arremonau, custu etotu intrat in vigèntzia sa primu dii de su de cincu mesis afatantis a sa sutascritzioni definitiva de su CCNL. 2. Su personali in servìtziu a sa dii de intrada in vigèntzia de custu Tìtulu est incuadrau in su sistema de classificatzioni nou cun efetu automàticu de sa pròpiu dii segundu sa Tabella B de Traspositzioni (Tabella de traspositzioni automàtica in su sistema de classificatzioni)."

**Biu** su ligòngiu A – DECRARATÒRIAS de su CCNL de su 16/11/2022 chi disciplinat is cumpetèntzias e rechisius po s'atributzioni de is perfilus professionalis chi bolint atribuius a su personali dipendenti cunforma a su schema in acàpiu a custa deliberatzioni etotu;

**Bida** sa tabella B de traspositzioni automàtica in su sistema de classificatzioni de su personali chi s'agatat in su CCNL de su 16/11/2022;

**Pigau atu** chi is perfilus professionalis, aici comentu diciplinaus de su CCNL de su 16/11/2022, funt is chi s'agatat in su documentu in acàpiu a custa deliberatzioni etotu;

**Arriciu** parri a favori de regularidadi tècnica cunforma a s'art. 49, c. 1, de su D.Lgs. n. 267/2000, de parti de sa Responsàbili de su Setori Personali;

---

Cun votazioni a totòmini cunforma a sa lei,

## **DELÌBERAT**

**De pigai atu** de s' incuadramentu nou e de sa revisioni de is perfilus professionalis cunforma a su CCNL de su 16/11/2022;

**De decrarai** chi custu provvedimento at a balli luegus etotu, cunforma a s' artìculu 134, corriedda 4, de su d.Lgs. n. 267/2000.

---